

مستشرقان

طبع و محل اداره :

م. ل. اوغمنده امنیت
 سندوخی جوارنده
 شکول بقوشنده
 ۲۲ نومرو

سلک. زه موافق آثار
 جدیه مع المنونبه
 قبول اولنور

درج ابدله بن آثار اعاده اولنور

دیر ، فلسفه ، علوم ، معنوی ، ادبیات تاریخ ، و سیاسیامرد و بالخاصه احوال و مشوره اسلامیه بحث ابرو هفته ده بر نشر اولنور.

صاحب و مؤسسلری :

آبونه بدلی

در سعادتده نسخه سی ۵۰ یا ۵۰۰

ابوالعلا زین العابدین - ح . اشرف ادیب
 تاریخ تاسیسی

قبله دن مقوا بورو ابله کوندریلمیره سنوی

۲۰ غروش فضله آلدر

۱۰ تموز ۳۲۴

سنه لکی	التی آیلنی	غروش
۶۵	۲۵	۲۵
۶۰۵	۲۰۵	روبله
۱۷	۹	فرانق

عدد : ۱۷۳

۷ محرم الشریفه ۱۳۳۰ بیخشنبه

۱۵ کانون اول ۱۳۲۷

یدنخی جلد

عموم اعضای مجلس مبعوثان نامنه رئیس احمد رضا بك طرفندن
عرض اولنان تبریکاته جوابآده :

بك محظوظ اولدم. بتون رفقا كرك وفاق و حسن آمیزش
ایله ایفای وظیفه ایلمرینی ایستورم. بوکا سزده بذل همت
ایدیکز. « بیورمشلر و بوسرهده اعیان رئیس غازی مختار پاشاحضره
تلیینه توجیه خطابه : « بالطبع هیئت اعیانجهده بویولده صرف
مساعی ایدیور « جملهسنی ده علاوه ایلمشردر ،

مجلس مبعوثان ریاسته

هندستانده کائن قانکوتهدن وارد اولان تفرافدر ؛
عالم اسلامیت ، اختلافات داخلیه ترك ایله دارالاسلامك محافظهسنی
مقام خلافت عظامدن بکایورلر ، متینغ حائنده بولنان بورا مسلمانلری
سرك خبرلرکزی حجات عمیقہ ایله آلهرق بك متأثر ومکدر اولیورلر
وهیجاندهدرلر ،

خداورسولی عشقنه ، وطنپرولک نامنه اختلافندن فراغت ایدرولک
خلافت اسلامیه بی فلاکتدن وقایه ایتمکزی و دارالاسلامی دشمنه
چیکنتمه مکزی رجا ایدیورلر ،

۲۲ گانون اول ۱۹۱۱

عارف زهر اوردی

ایران دولت اسلامیهسنی ده منقرض اولیور

تبریزدهکی (انجمن ایات) طرفندن درسعادته (انجمن سعادت) هیئته
کشیده اولنان تفرافنامهدر :

ذی الحجه نك یکریمی طقوزنجی کونی تبریزدهکی روسیه عساکری
قصبه داخلنه هجوم ایله اماکن امیرییه بی ضبط ایتدکن ماعدا مکتب
چوچقریله کوچی قوتی اولیان عمل مانده آدملرک قتلنه تصدی وشهردهکی
دکانلری یغما ایتمک مبادرت ایلمشردر . اهالی بادی امرده اختیار
سکوت ایدرک اعتدال دملرینی محافظه ایتمک ایستمشلرسدهده ، اخیراً
روسلرک توالی ایدن ظلم و وحشتلری اوزرینه مدافعه ایدرک بونلری
اماکن امیریهدن طرده موفق اولمشردر .

محرمک ابتداسنده روسلر اقامت ایتمکده اولدقلری (باغ) دن
قصبه بی بومباردمان ایتمک باشلایهرق آن بان اهالینک هیجانی تحریک
وتزییده سبیت ویرمشردر. یوم مذکورده طهراندن آلتان امرتافرانی
موجبجه اهالی متارکیه تشبثله مدافعهدن صرف نظر ایلمکری حالده
مع اتأسف روسلر تجاوز و تبدیلرندن واز کچیوب بومباردمانه دوام
ایلمشردر . بوندن بشقه روس عساکری کندی قونسولاتولری
جوارنده تجمع ایدرک کلن کچن چولوق چوچق ، اختیار ارکاک
وقادینلره قورشون آتمشلر وپک چوق بیکنهاک جائه قیمشلردر .

زیاده موافق وکزیاده شایان حیرت اولان تصورشیخ عبدهنک طلبهسنی
بولنان شیخ رشید رضا طرفندن تأسیسی تصور اولنان دارالفنوندر .
مومی ایله (الدعوة والارشاد) دنیلن جمعیتک معاونتیه مصرده بر
مدرسه و برده اسلام دارالفنونی میدانه کتیرلمسی ایچون لازم کلن
اساسلری وضع ایتمشدر. پانسلا میزم یالکز اتحاد و اتفاق صورتیه کندی
محافظه ایچون دکل بلکه دهها زیاده توسع ایچون دخی قوت بولمقدهدر.
حقیقت شوندن عبارتدرکه اسلامیت آفریقای مرکزیده کیتدکجه
توسع ایتمکده و دهها زیاده انکشاف ایدهبیلهجک بر حالده بولمقدهدر .
الیوم غایت قوتلی بعض تظاهرات دینییه مشهود اولیور. برای حج شریف
مکة مکرمه یه کلنلرک مقداری (۷۰۵۰۰) کیشیدن (۱۷۰۴۰۰) کیشییه
بالغ اولدینی کوربیلور . مصردن کچن حجاجک مقداری (۱۶۰۰۰۰)
درجهسنه کلشدر . یالکز دینی اولان پانسلا میزمدن بشقه دیانته تعلق
ایتمن دیکر بر پانسلا میزم دخی موجود اولوب ، بومدنیت شرقیه اسلامییه بی
بتون لطافت و دبدبه سبیله یکیدن میدانه کتیرمکه ساعی بولمقدهدر . بر
چوق خرسستیان محررلر دخی فکر مذکورک میدانه کلمسی ایچون
چالشمقده ایسهلرده بونی اصل دینی اولان پانسلا میزم ایله قاریشدر مامق
لازمدر . «

عالم اسلام قانلر ، آنشدر ایچنده

دارالخلافةده

مبعوثانلر پوست قاوغاسی ایدیور ،

نصیحت شاهانه

عموم وکلا نامنه صدر اعظم سعید پاشا حضرتلری و مجلس نامنه
اعیان و مبعوثان رؤسای طرفلرندن ذات حضرت پادشاهییه سنه جدیده
هجریه مناسبتیه عرض اولنان تبریکاته قارشلی شوکتآب افندمز حضرتلری
زیرده محرر نطق هایون ایله مقابله و نصایحه بولمشردر :

« تبریکاتکزدن ممنون اولدم . سنه جدیده بی بنده جمله کزه
تبریک ایدرم . ان شاءاه بو سال فرخنده فال مملکت و ملت
ایچون بادی سعادت اولور . مقصدم سلامت و سعادت حال
وطندر . بونک ایچون جمله نك متفقاً صرف مساعی ایلمسنی
آرزو ایدرم . شو آردلق موجود اولان اختلافاتکده دهها
زیاده تمادی ایتمهسنی کورمکه مسرور اولتی املندهیم . جمله کز
اصحاب فضل و کالاتدنسکز . دوام موفقیتکز اخص آمالدر .
بویله مناسبات متیمنه ایله پک چوق دفعه ل کوروشمکه موفقیتمز
مجناب حقندن بینی ایدرم . «